

INSERCIÓN DE SÍMBOLO E CARACTERES ESPECIAIS

Que son os símbolos e os caracteres especiais?


Os símbolos e os caracteres especiais son aqueles que non forman parte do conxunto de caracteres padrón do teclado. Por exemplo, o símbolo do *copyright* “©” ou o de marca rexistrada “®”. Malia non estar no teclado, pódense integrar no texto como calquera outro carácter.

Inserir un símbolo ou carácter especial

Para inserir un símbolo ou carácter especial no texto, na posición do punto de inserción, débense seguir estes pasos:

Seleccionar a orde **Símbolo** do menú **Inserir**. Ábrese un cadro de diálogo no que podemos escoller entre símbolo e caracteres especiais (aínda que realmente entre unha cousa e outra non hai unha diferenza clara).

Na listaxe despregable **Tipo de letra**, elixir o tipo de letra que se queira empregar. Cada tipo de letra diferente proporciona un conxunto de símbolos diferentes.



Premer sobre o símbolo que se quere inserir no texto e pulsar o botón **Inserir** ou premer dúas veces sobre o símbolo que se vai introducir no texto.

Cando se termine de incluír símbolos, pulsar **Cancelar** para pechar o cadro de diálogo.